

## Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri  
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè  
factorum pertinentes, breuiter tractantur

**Azor, Juan**

**Coloniae Agrippinae, 1602**

31. De munditia tum mentis, tum corporis ad Missæ sacrificium  
necessaria.

**urn:nbn:de:hbz:466:1-14077**

crificio, & ablutione completa, particulae panis consecrati, in Corporali, Altari, vel Patena inueniuntur? in capitulo. Tribus, de consecratione, distinctione 2. Clemens praecepit, ut tot in Altari holocausta offerantur, quod populo sufficere debent; quod si remanserint, in crastinum non referuentur, sed cum timore, & tremore Clericorum, & diligentia confundantur. Hec ibi. Sotus 4. distinctio. 12. quest. 1. art. 8. citat hunc Canonem, & ait in eo statui ut particulae, qua post sacram Communionem acceptam a populo superfuerint, referuentur in pixide; cum tamen Clemens aperte praecepit, ne referuentur in crastinum, sed a Clericis absumentur. Clemens igitur eo loco solum loquitur de iis particulis, qua a Presbytero consecrabantur in populum distribuendis. Hinc olim teste Euagri libro 4. capitulo 35. Constantinopoli vetus fuit consuetudo, ut si quando multe admodum particulae puri, & immaculati corporis Christi Dei nostri superessent, pueri impuberes, qui scholas frequentabant, accercentur, & eas ederent. In Concilio etiam Mafoneensi 2. canon 6. habetur: Quemque reliquie sacrificiorum post peractum Missam in sacrario superfuerint, quarta, vel sexta feria, invocantes ab illo, cuius intercessione ad Ecclesiam adducantur: & inditio eiis ieiunio, eadem reliquias confessas vino percipiunt. Hec ex loco. Ceterum, tum Canon Clementis, tum haec consuetudines sunt apud nos abrogatae.

Ad id igitur, quod queratur, respondet Sotus 4. distinctione 12. questione 1. articulo 8. Aut particulae, qua in Altari, Corporali, vel Patena inueniuntur absoluto Missae sacrificio, sunt alius momenti, ponderis, & quantitatis, & haerentur in pixide, aut ab alio Presbytero sacrificante insumentur: aut tales non sunt, cum ob tentacum vix in sensu incurvant: & tunc ruto a Presbytero insumentur, tanquam sacrificij portiuncula exigua. Sed certe cum sint particulae ex sacrificio relictae, parum, aut nihil referre videtur, sint parvae, an magnae, vnde potest eas sacerdos sumere, quia sumit, vt reliquias, qua ex sacrificio superfuerint. Secundum est, si essent particulae ex alio sacrificio relictae. Si QVAERAS, an sacerdos iure queat eas particulas sumere post notabile tempus interuum exactum? R EIP. minime, quia post interuum temporis elapsum, censetur sacrificium absolutum; & proinde particulae non sumarentur, vt reliquias, qua ex sacrificio superfuerint, sed sumarentur per se, quod facere non licet: est enim sacrificium considerandum ut una actio, qua suo tempore finitur ac definit.

### Cap. XXXI:

#### Demunditia tum mentis, tum corporis ad Missae sacrificium ne- cessaria.

**Q**uartitur primum, An ad missae sacrificium dignè faciendum, non solum vera, & perfecta lethalium criminum detestatio requiratur, sed etiam sacra eorundem confessio? Caetanus, qui ante Concilium Tridentinum scripsit, sensit nullo iure peccatorum confessio

nem requiri: quoniam ex Apostolo solum habetur, Ut ad dignè edendum corpus, & sanguinem Domini, quisque probet seipsum: sed idoneus est, inquit, probatio, vera ex animo lethaliū peccatorum detestatio, ut Chrysostom. 27. in eius locum. Apostoli, videtur docere. Deinde Ecclesia praecepit, ut in Paschate Eucharistia sumeretur, non autem, ut tunc temporis fieret peccatorum confessio, sed semel quotannis. Sic Caetan. part. 3. quest. 8. art. 5. & in commen. 1. Cor. 11. & in Sua, verbo, Communio, & post eum Aramil. verbo, Communio, num. 1.

Ceterum haec Caetani opinio, cum communī omnium Theologorum, Canonicī iuris interpretum, & Summiſtarum sententia pugnat, & cum generali etiam totius Ecclesie confundendine: quare merito ab ijs, qui post ipsum scriptere refellitur, atque deseritur. Nimirum Soto 4. dist. 12. questione 1. articulo 4. Cano de locis Theolog. lib. 3. cap. 5. Petro Sot. de Confess. left. 12. Cordubensis, lib. 1. quest. 16. & Nauarro in Manuali, cap. 22. num. 10. Synodus Tridentina Sessione 13. Canone 11. decernit, ut sit excommunicatus eo ipso, si quis docuerit, predicaverit, vel pertinaciter assertuerit, seu etiam publice disputando defendere presumplerit, illis, quos conscientia peccati mortalis grauat, quancumque etiam fe contritos existimant, habita copia confessoris, non esse necessario primitandam Confessionem sacramentalē ad dignē Eucharistia sacramentum recipiendum. Et capite septimo idem Concilium declarat illud preceptum Apostoli primae ad Corinthios undecimo. Prosternit autem seipsum homo, &c. intelligi de probatione non solum per contritionem, sed etiam per sacramentalē Confessionem, quando quis conscientia est alius peccati mortalis, & Confessari copiam habet. Sententia igitur Caetani decreto Concilii Tridentini est recta, & expensa. In Concilio Florentino Sessione 8. priuatum cum Graeci ad Pontificem Romanum Eugenium Quartum conuenient, rogati sunt ab ipso Pontifice inter alia, cur non Pontifices, aut Presbyteri celebaturi peccata sua confiteri soleant? Illi nihil ad hoc responderunt, dicentes, se de hoc articulo in Concilio non disputatueros.

Secundo queritur, An iure diuino sacra peccatorum lethalium Confessio ante Eucharistiam fieri debeat? An vero iure Canonico, an tantum vnu, & confitudine Medina censet malum, de confessio, questione 14. iure tantum Canonico primitandam esse. Idem docere videntur Ricardus in 4. distinctio. 17. articulo 3. questione 6. & Paludanus 4. distinctio. 17. quest. 3. Adrianus in 4. questione 1. de Eucharistia, Tabienis verbo, Communio, num. 30. Abbas in cap. de homine, de celebrat. Missarum. Communis vero alioī sententia contendit eam esse iuris diuinis à Christo instituti. Synodus Tridentina in Sessione 13. capitulo 7. vbi agit de preparatione adiubenda ad dignam sacra Eucharistia perceptionem, sic ait: Communicare volenti renunciandum est in memoriam apostoli preceptum. Probet autem se ipsum homo: Ecclesiastica autem Confusio declarat, eam probationem necessariam esse, ut nullus fibi confesse peccati mortalis, quantumvis sit in criminis videatur, absque prmissa sacramentali confessione, ad sacram Eucharistia accedere debeat. Ex quibus verbis videtur colligi, Confessionem ante Eucharistia sum

sumptionem, diuino iure adhiberi: quod quidem Domini praeceptum declaravit Apostolus primè ad Corinthios 11. dicens: Probet autē seipsum homo. Quod autē hic locus Apostoli de sacra Confessione, & non solum de peccatorum detestatione per veram cordis poenitentiam intelligatur, habemus non quidem ex Scripturis, sed Traditione, verbo, non scripto accepta ab Apostolis, quam & ipsi acceperunt à Domino, & quam generalis totius Ecclesie perpetuo seruata conservata declaravit.

**Tertiò queritur**, An aliquando ad dignè suscipiendam Eucharistiam, sufficiat sola lethaliū criminum per veram mentis poenitentiam detestatio? Concilium Tridentinum, ut paulo ante vidimus, monet adhibendam esse Confessionem, quando quis est sibi conscientia peccati lethaliū, & habet copiam Confessarij, & insinuat sufficere solam cordis poenitentiam, necessitate urgente, si copia Confessarij non adsit. Et communis omnium opinio, quam habet Sotus in 4. distinſt. 12. queſt. 1. artic. 4. & distinſt. 18. queſt. 1. artic. 4. explicat, quandonam cuique id licet facere: tunc nempe, cum imminent mortis periculum: deinde, quando quis sua peccata confiteri nequit, citra grauem aliorum offenditionem, & tamen ad Eucharistiam accedere alioqui iure debet: cum etiam quis absque dedecore, & infamia abstinere à sacra Communione vix posset. Tum demum, quando dies festus adest, quo populus ad rem diuinam audiendam iure ipso conuenit, nec alius omnino sacerdos in promptu est, qui Confessiones audiat, nisi Parochus.

**Quaerere**, An causa Confessionis facienda, quis conferre se debet ad locum remotiorem? Respondeo in hunc modum: aut locus illi prope diffat, aut longè. Si primum, debet eō se confidere, nisi aliquid legitimè impedit, ut potest notabilis cœli intemperies, aut repentina aliqua sacram facienda necessitas. Si secundum, præcepto non cogitur ad eum locum ire.

**Quarto queritur**, An quando præceptum sacre Communionis percipienda vim habet, Verbi gratia, quia anniversaria in digne festo Paschatis celebratis recolitur, vel dies festus celebratur, quo res diuina, vel facienda, vel audienda nobis est, an si tunc non adsit, qui Confessionem excipiat, sufficiat solus animi dolor de peccatis conceptus? Respondeo, si ijs temporibus ab Eucharistia abstinere minime possimus absque infamia nota, vel offenditione aliorum, Eucharistiam esse percipiendam absque peccatorum confessione, cum debita tamen lethaliū peccatorum detestatione, quoniam arctioris est vinculi naturale præceptum de infamia, aut offenditione aliorum vitanda, quam lex de Confessione peccatorum facienda. Si verò solum instet præceptu Ecclesiasticum de re diuina audienda in die festo, aut de Eucharistia in die Paschatis percipienda: tunc potius meo iudicio videtur esse ab Eucharistia abstinendum: cum duo præcepta sibi inuenientur, nimurum sacram audiendi, vel accedendi ad Eucharistiam; & lethale peccatum confitendi; quod quia est iuris diuini, regius nos tenet, & adstringit, quam illud prius, quod tantum est iuris Canonici. Sic videtur

sentire Sotus 4. distinſt. 12. queſt. 1. artic. 4. licet quidam oppositum affirment moti auctoritate Pauli. 4. distinſt. 9. queſt. 1. artic. 2. Armil. communio num. 1. Adrian. in 4. queſt. 1. de Eucharistia. Tabien. verbo Communicatio. queſt. 30. Siluest. Eucharistia 2. q. 7. Sed hi, & alij ideo sic sentiunt, quia putant præceptum confessionis, ante Eucharistiam esse solum iuris Canonici. Idem est indicandum, quando quis vel sui, quod fecit, voti religione, vel superioris iussu percipere Eucharistiam debet. Si enim lethali peccato fuerit obstrictus, nec sit cui confiteatur, ab Eucharistia abstinebit: volum enim emissum, & acceptum à superiore mandatum interpretari debemus, in eum sensum, ut cum diuino iure non pugnet.

**Quinto queritur**, An sacerdos, qui peccatis teneretur, quorum absolutio referuata esset Episcopo, quem adire commode non posset, tutu conscientia sacrificaret, aut Eucharistiam perciperet? Respondeo, si absque infamia, vel offenditione aliorum continere le nequeat, iure ad Eucharistiam accedit: alter vero abstineat necesse est.

**Sexto queritur**, Quid sit dicendum, si Titius excommunicatione occulta, suspensione, vel irregularitate teneatur obstrictus, quippe, qui Clericum occulte perenserit, vel quempiam occiderit, qui nisi rem diuinam faciat, vel Eucharistiam suscipiat, alios offendet, aut ipse dedecus & infamia, vel etiam mortis periculum incurrit: An ab Eucharistia abstinere se debeat?

Respondeo, duas esse opiniones: Vna affirmat posse sine peccato ad Eucharistiam accedere.

Nauarrus in Manuali, cap. 27. num. 239. & de penitentia.

distinſt. 6. cap. 1. §. Labore, num. 2. 4. Armilla excommunicatio, num. 9. Tabien. excommunicatio, 1. num. 6. Cor duben. libro 1. queſt. 35. ad finem. Caſtr. lib. 2. de lege penal. cap. ultimo, hi omnes ita distinguunt. Aut Titius aliorum offenditionem, vel infamiam commode evitare potest, aut non potest. Si primom, opus est, vt Eucharistiam omittat. Si secundum, tutu conscientia ad eam accedit; quia iure naturali aliena offenditione, vel nostrâ infamiam cauere, fugere, & vitare oportet. Excommunications autem, ac ceteræ Ecclesiastice poenæ sunt tantum iure Canonico constituta. At arctiori vinculo nos naturalia, quæ Canonica præcepta stringentur.

**Altera** sententia est aliorum, qui generum videntur negare, Titium posse iure ad Eucharistiam accedere. Siluest. Excommunicatio. 3. in effectu. 5. Sotus 4. distinſt. 12. queſt. 1. artic. 4. Couarruias in cap. Alma mater, par. 1. §. 2. num. 11. Medina in sua institutio. cap. 11. ratio eorū est, Ecclesiæ lege Titius est inhabilis ad Sacramenta recipienda, sive ministra. Certè negari non potest, quin sit valde probabilis prima sententia: neque enim videtur Ecclesiæ cuncto tanto periculo, videlicet mortis, vel infamiae, & dedecoris nos voluisse obligare. Nam Sotus in 4. distinſt. 18. queſt. 2. artic. 5. ad finem, idē concedit, cum ait: tunc non licere nobis ad Eucharistiam accedere, nisi grauiſſima effet aliorum offenditione sequentia.

**Septimò queritur**, An si sacerdos nullus adsit, qui confessionem audiat, legitimè approbat, aut adsit quidem unus, sed qui non sit ab excom-

municatione, alijsùe similibus penitentia solutus, & liber, iure ei confiteri queat Titius, vel rem diuinam facturus, vel Eucharistiam percepturus, ne ad eam accedat absque confessione? Respondeo, nequaquam; quia tunc perinde res se habet, ac si ab sit copia Confessari; ut si tunc temporis graue infamia damnum subire Titius cogatur, vel alijs offensionis causam præbeat, tuto ei licet ad Eucharistiam accedere. Confessio autem tunc non est facienda, quia sacerdos, qui non sit legitimè approbatus audire confessiones nequit, præterquam in mortis periculo. Qui item nominatum excommunicatione tenetur, iurisdictionem non habet, quia possit a peccatis absoluere.

Octauò queritur, An Titius sacrificatur, vel Eucharistiam percepturus, tuta conscientia, tunc ad Sacramentum, vel sacrificium accedat absque sacra peccatorum confessione, eo quod alium sacerdotem expectet, cui religiosus, & commodiū confiteri queat? Ricardus in 4. distin. 17. articul. 3. questio. 6. id concedit Angelus Enchavilia. 2. quest. 5. Tabien. communicare. quest. 30. & Adrianus in 4. quest. 1. de Eucharistia id quoque fiantur, sed restrictius, videlicet cum quis præcepto cogitur sacrificare, aut Eucharistiam suscipere. Sotus autem, Silvester, & Cordubensis locis citatis, negant generatim, id licitum esse facere. Et hoc mihi magis probatur: nam satis est, si idoneum sacerdotem nactus sit, cui commode sua peccata confiteatur.

Nono queritur, An sicut, cum sacerdos iuxta Concilij Tridentini decretum, necessitate virginis, absque vlla confessione sacrificium faciens, debet, quam primum commode poterit, confiteri; idem etiam sit de laico iudicandum, ita ut si absque confessione, quam facere non potuit, Eucharistiam percepit, confiteri cogatur, quam primum postea poterit? Nauarri sententia in Manuali, cap. 2. num. 10. idem iuris esse de Laico, quod de sacerdote, quoniam eadem ratio videtur esse de vtroque. Ceterum alijs probabilius videtur oppositum. Nam sacerdos ideo debet quam primum potest confiteri, quia frequenter Missæ sacrificium facit, ideoque necesse est, ut sit legitimè probatus ad sacrificandum: at verò Laicus Ecclesie præcepto non nisi in Paschate cogitur ad Eucharistiam accedere. Quare si causa offensionis, vel infamia, vitanda absque confessione Eucharistiam in Paschate percipiat, non cogitur præcepto, statim atque potest, confiteri: sed tuto ei licet confessionem differre ad annum proximè sequentem. Mihi magis placet sententia Nauarri: nam eadem videtur ratio de Laico, que est de sacerdote; licet Concilium solum meminerit sacerdotis, de quo sermo erat.

Dicimò queritur; An sacerdos, qui sibi conscientia peccati lethalis circa confessionem Missæ sacrificium facit, cum aliqui posse commode confiteri, peccatum admittat duplaci deformitate grauatum, videlicet sacrilegii, quia indignè sacrificium facit; & omisso confessionis, quam ante Missæ sacrificium facere deberet? Quidam, è quorum numero videtur esse Canus de penitent. par. 4. affirmant, eo argumento permoti, quod od

duo simul præcepta violauerit. Verum probabilius alijs opinantur, vnius tantum peccati deformitatem, & maculam contrahere: quoniam eti præceptum est datum de Confessione ante Eucharistiam, vel ante Missæ sacrificium scienda; id ideo est, ut dignè, & idoneè preparati tantum Sacramentum sumamus, aut ad tantum sacrificium accedamus: ergo qui sumit, vel qui sacrificat, cum confessus ante non sit, in eo solo peccat, quod sacrificium admittit, indignè accedit ad Sacramentum, vel sacrificium. Partem ratione qui absque debito cordis dolore sacram Communionem accipere, vel Missæ sacrificium faceret, quando commode confiteri non posset, vnum sacrilegij peccatum committeret, scilicet indignè sumendo, vel indignè faciendo. Nec his obstat, quod duo præcepta frangantur: non enim ob præceptorum numerum peccata multiplicantur, sed ob diversitatem præceptorum ad diuersas virtutes pertinentium: at præceptum faciendo confessionem ad Eucharistianum sumendum; vel ad Missæ sacrificium faciendum datum est, ut dignè sit tanti Sacramenti percepio, & digna tanta hostia immolatio, & vbi vnum præceptum propter aliud constituitur, ibi vnius tantum est præcepti violationis.

Vndecimò queritur, An sacerdos, qui cum confessus non sit, quando confiteri commode posset, vel qui de letali peccato non dolet, quando confiteri nequit sacrificare, peccatum incurrit multis deformitatibus confitans; his nempe: quod indignè concrectet, indignè offerat, & indignè infumat corpus, & sanguinem Domini? Quidam putarunt in hoc sacrilegios esse peccati praurates. Sed alij verius dicunt, vnius tantum peccati esse deformitatem. Nam vnum est tantum sacrificium quoniam tribus partibus confiteri, Consecratione, Oblatione, & Sumptione: quare quemadmodum tres euimodi partes vnum sacrificium constitutum sic etiam qui indignè sacrificat, vnum tantum peccatum admittit, quod tribus in partibus constitut, nimurum, in indigna consecratione, indigna oblatione, & indigna sumptione.

Duodecimò queritur de corporis immunditia, An qui per quietem se noctu polluit a sacrificando abstinerre debeat? Respondeo S. Tho 3. p. 9. 80. m. 7. cuius sententia communis confitentia recepta est: Aut huiusmodi nocturna pollutione est lethale peccatum, vel ex lethali peccato proueniens: & impedit quo minus sacrificare sacerdoti licet: aut est prorsus absq; vlo lethali peccato, & nihil impedit sacrificium. Quidam modo intelligat S. Thomas nocturna pollutione esse cum lethali peccato? Resp. ille talen esse; cum quis sua sponte, ac voluntate se polluit, aut se oblectat, dum vigilat in pollutione, quæ per quietem accidit, aut cum nocturna pollutione causam scienter, & sponte præbuit; & causa suæ cum lethali peccato data, aut eam optauit.

Dicimotertiò queritur, An quando nocturna pollutione talis est, qualis S. Thomas describit, impedit Missæ sacrificium eo die, etiam post debitum cordis dolorem, & confessio nem peccatum.

nem peccatorum factam? Quidam, ut Gabriel, *sic Canon. Missæ, l. 10. art. 10.* testatur, videntur afferere, post huiusmodi pollutionem omnino efficiatio abstinentiam intra viginti quatuor horum spatium, et iam si qui pollutus in somno est, legitimè de huiusmodi peccato doleat, illudque confiteatur. Et certè id afferere videntur graui simi Theologi. Alexan. p. 4. q. 47. m. 1. art. 1. Alber. 4. d. 9. art. 10. S. Thom. 4. d. 11. q. 1. art. 4. & 3. p. q. 80. art. 7. ad 3. Ricar. 4. d. 11. q. 1. art. 2. q. 3. Palud. 4. d. 11. q. 1. art. 2. & Bonaven. 4. d. 12. art. 1. quæst. vlt. Gabr. loci cit. Fortassis olim fuit Ecclesiæ præceptum, ut à sacrificando intra illud tempus abstinatur. Sed quidquid sit de huiusmodi præcepto Ecclesiæ, quod mihi non videtur impositum fuisse, multò verius est, quod alii docuerunt, fas esse sacerdotio die sacrificare, præmissa confessione cum legitimo cordis dolore: nullum quippe aliud quodlibet lethale peccatum, modò illud sit dolo re legitimo, & confessione expiatum, sacrificium impedit, ergo nec nocturna pollutio. Deinde, nulla est nunc lex, quæ id prohibeat. Reffpondent aliqui nocturnæ pollutionis peccato minime sacrificium impediri, quia sit peccatum ceteris gravius, atque deterius, sed quia mentem, & animum cogitationibus perturbat, ac distrahit.

Sed quid, si huiuscmodi cogitationes minime in mente veniant, aut si venerint, nihil tale efficiant? Accedit, quod ex alijs etiam peccatis similares cogitationes in animo oriuntur, & surgunt. Addit, enimmodi cogitationes non esse voluntarias, quod si voluntati placerint, ita ut in virtute, & culpa sint, tunc non nocturna pollutio, sed ipsa animi cogitatio mala sacrificium impedit.

Quæres, an si pollutio post medium noctem acciderit, sacerdoti impedimento sit, ne eo die iure sacrificetur? Paludanus affirmat eam impedire, recitans per dolorem, & confessionem pollutione expiatur; quamvis cum communione opinione constitutus, ante medium noctem pollutionem contingens minime impediens. Sed constans est ceterorum opinio, eam quoque minime obflare, quo minus sacrificium fiat. Sotus 4. d. 12. q. 1. art. 7. Ledesm. 4. d. 11. art. 7. Caiet. in suis, verbo, Communio, ad finem. Cordub. lib. 1. q. 7. Nauar. in Man. cap. 21. n. 5. Angel. Eucharistia. 2. q. 28. & 29. Quæres, insuper, an S. Thomas, Bonaventura, Alexander, & Albertus locis citatis, in hac controversia primâ opinionem reueras sequantur? Quidam arbitrantur eos primi illi opinioni adhaerentes, sed meo iudicio id aperte non sentiunt: nam Sanctus Thomas solùm habet: Pollutus etiam contritus, & confessus ex quadam congruitate, non tamen ex necessitate præcepti debet se abstinere ab Eucharistia. Ceteri verò supradicti Doctores tantummodo id ipsum sic innuunt: Pollutus etiam contritus, & confessus debet abstinere ab Eucharistia, nisi aliud necessitas exigat. Sed apud eos auctores verbum (debet) non significat præcepti, vel legis necessitatem, sed exequitatem quandam, & honestam temquam dicere voluerint, debet qui sic est pollutus, ex æquo, bono, & honesto ab Eucharistia abstinere.

Dices, eos auctores citare ac proferre veteris Testimenti leges, Exodi 19. Leuit. 15. Deuteron. 23. & 1 Reg. 21. in quibus pollutus inebebatur, vi que-

ad Vesperam extra castra manere. Respondeo ei: iusmodi leges ab hisce auctoribus in medium adduci ad indicandum ex æquo, & bono ab Euchristia sibi temperare debere pollutum.

Decimoquarto queritur, An saltem veniale peccatum admittat, qui post pollutionem nocturnam etiam confessione cum debito animi dolore premissa, ad sacrificandum accedit? An item veniale noxam incurrat sacrificans post pollutionem nocturnam absque ullo peccato accidentem? Alexander, Albertus, Bonaventura, & S. Thomas videntur innuere veniale peccatum committi in veroque. Sed certè probabilius est oppositum: si per se loquamur, non de accidenti extrinseco: quoniam nullo iure, lege, aut ratione, firma, & efficaci conuinci possumus, ut id credamus: & supradicti Theologi potius de æquitate, & honestate, quam de legis necessitate videntur locuti.

### Cap. XXXII.

#### Quædam alie questio[n]es de Missæ sacrificio diluuntur.

Primò queritur, An lethali peccato se obstrinxerat sacerdos, qui Missæ sacrificium inchoatum non perficiat? Respondeo, consecratione facta, Missam incepitam relinquere, lethale peccatum esse: quæ constans est Theologorum opinio, quam habet Nauar. de Orat. cap. 16. num. 55. Sed dubia questionis est, an inchoata Missa, nondum facta consecratione, relinquere absque lethali peccato possit? Profectò, qui citra causam iustum, & legitimam, imperfectum Missæ sacrificium relinquere, vix effugit lethale peccatum: quoniam in cap. Nibil. 7. quest. 1. &c. Nullus de conser. dyl. 1. & cap. Illud, eadem causa, & questione, strictè & severè præcipitur, ne sacrificium Missæ imperfectum relinquatur, constituta poena, ut qui id fecerit, excommunicari a natione feriatur.

Secundò queritur, An qui Missam relinquere incepit, ipso iure in aliquam excommunicationem maiorem, vel minorem incurrat? Quidam affirman, inter quos videtur esse Palud. in 4. dyl. 11. q. 1. art. 1. quamvis meo iudicio id aperte non dicat: & probant ex Decretis paulo ante allatis. At probabilior est Nauarri in tract. de Orat. cap. 16. n. 58. & in Missell. de Orat. 86. sententia, in nullam incidere excommunicationem: quoniam citata iura solùm denunciant, & statuunt huiusmodi Presbyterum excommunicatione feriendum, vel ab officio anoumentum ad tempus. Idem quoque sentiunt Angel. in verbo, Eucharistia. 2. §. 2. & sequentibus Silu. Eucharistia. 2. q. 7.

Tertiò queritur, An Missa incepit iure relinquatur ob eam causam, quod vir aliquis princeps, & illistris, ad rem diuinam audiendam accesserit post generalem Sacerdotum peccatorum confessionem, aut etiam post Angelicum Hymnum, Gloria in excelsis Deo, aut post Epistolam quoque recitatam? Respondeo cum eodem Nauarro locis supra citatis, talis viri aduentum, iustum esse causam, & probabilem iterum Missam inchoandam: ut si Cardinalis, Episcopus, Dux, Marchio, vel Comes accesserit, & petierit, ut Missa incepit aperatur.

Quartò